

खबरां

1. प्रधानमंत्री नरेंद्र मोदी होरें आखेआ जे विश्व भारत गी इक भरोसेमंद, लचीला ते लगातार अग्रे बढने आहले मुख दे तौरा पर दिक्खा' रदा ऐ।
2. रक्षा मंत्री राजनाथ सिंह, मुखमंत्री योगी आदित्यनाथ होर लखनऊ इकाई थमां ब्रह्मोस मिसाइल दे पैहले बैच गी झंडी दस्सियै रवाना करडन।
3. बेल्जियम दी इक अदालत नै पीएनबी धोखाधड़ी मामले च मेहुल चौकसी गी भारत वापस परताने दी मंजूरी देई दिती ऐ।
4. पाकिस्तान नै लड़ाईबंदी दी खिलाफवर्जी करदे होई अफगानिस्तान उपपर हवाई हमले कीते न जेदे च 3 मुकामी क्रिकेट खडारिएं सने 10 नागरिकें दी मौत होई गई ऐ।
5. फुटबाल च भारत नै पैहली बारी ए.एफ.सी अंडर-17 महिला एशियन कप गिततै क्वालीफाई करी लैता ऐ।

<><><><><><>

PM Summit

प्रधानमंत्री नरेंद्र मोदी होरें आखेआ ऐ जे पूरी दुनिया अज्ज भारत गी इक भरोसेमंद ते जिम्मेदार भ्याल दे तौरा पर दिक्खा' रदी ऐ। कल संझा नमीं दिल्ली च इक निजी मीडिया चैनल आसेआ लोआए गेदे विश्व शिखर सम्मेलन च बोलदे होई प्रधानमंत्री होरें आखेआ जे इलेक्ट्रासनिक्स थमां लेइयै फार्मास्यूटिकल्स तगर ते गड़ियें दे निर्माण थमां लेइयै मोबाइल बनाने तगर भारत च निवेश दी इक लैहर द्रौड़ा करदी ऐ। उनें आखेआ जे एह निवेश भारत गी आलमी सतह पर इक सप्लाई चेन दा केंद्र बनाने च मदद करा' रदे ना। उनें गलाया जे अज्ज भारत दा विकास वैश्विक मौकें गी नमा रूप देआ' रदा ऐ। प्रधानमंत्री होरें हाल च होए दे यूरोपीय मुक्त बपार समझौते दा बी जिक्र कीता जेदे तैहत यूरोपीय मुखें भारत च 100 अरब डालर दे निवेश दी प्रतिबद्धता व्यक्त कीती ऐ। उनें आखेआ जे एहदे कन्नै बड़ु पैमाने पर रोजगार दे मौके उपलब्ध होडन।

<><><><><><>

Rajnath-Brahmos UP

रक्षामंत्री राजनाथ सिंह ते उत्तर प्रदेश दे मुखमंत्री योगी आदित्यनाथ होर अज्ज लखनऊ च ब्रह्मोस मिसाइल दे पैहले बैच गी जारी करडन, जिंदा उत्पादन ब्रह्मोस एयरोस्पेस यूनिट लखनऊ च कीता गेआ ऐ। उत्तर प्रदेश रक्षा कोरिडोर च लखनऊ दी ब्रह्मोस इकाई पैहली इकाई ऐ, जित् मिंसाइल सिस्टम थमां लेइए अखीरले परीक्षण तगर पूरी प्रक्रिया कीती जंदी ऐ। उद्घाटन समारोह च रक्षामंत्री ते मुखमंत्री होर बूस्टर बिल्डिंग दा उद्घाटन बी करडन ते बूस्टर डाकिंग प्रक्रिया गी दिक्खडन। इस समारोह च airframe ते avionics प्रणालिएं Warhead ते ब्रह्मोस Simulator दी प्रक्रियाएं गी बी दर्शाया जाग।

<><><><><><>

Mehul-Choksi

बेल्जियम दी इक अदालतै भगौड़े हीरा बपारी मेहुल चौकसी गी भारत दे हवाले करी देने गी मंजूरी देई दिती ऐ। मेहुल चौकसी पंजाब नेशनल बैंक च 13 ज्हार करोड़ रपे दे गवन आहले मामले च आरोपी ऐ। एंटवर्प च इक अदालत नै फैसला सुनाया ऐ जे बेल्जियम दी पोलीस नै भारत दी प्रार्थना पर जेहडी चौकसी दी गिरफ्तारी कीती ऐ, ओह जायज ऐ। भगौड़े बपारी गी भारत च आहिनए मुकद्दमे दा सामना करने बक्खी एह इक्क महत्वपूर्ण उपलब्धि ऐ। मेहुल चौकसी गी 11 अप्रैल गी एंटवर्प दी पोलीस नै सीबीआई दे आखने पर गिरफ्तार कीता हा ते ओह अदुआं दा गै हिरासत च ऐ।

<><><><><><>

Bihar-Election

बिहार असेंबली चुनावें दे पैहले गेढ़ गितै नामांकन भरने दी प्रक्रिया जंदी संज्ञा समाप्त होई गेई। इस गेढ़ तैहत 18 जिलें च फैली दिएं 121 विधानसभा सीटें लेई 6 नवंबर गी वोट पाए जाड़न। कागजें दी जांच-पड़ताल अज्ज होग ते मेदवार 20 अक्तूबर तोड़ी अपना नामांकन वापस लेई सकदे न। नामांकन भरने दे खीरी ध्याड़े केई बड़े लीडरें जेदे च नितीश कुमार सरकार दे चार मंत्री बी शामिल न, अपने-अपने नामांकन भरे। बीजेपी दे सीनियर लीडर ते मंत्री मंगल पांडे होरें सिवान सीटा थमां, बीजेपी दे जिवैश मिश्रा होरें जालै थमां ते डॉ. प्रेम कुमार होरें गया शैहरा थमां नामांकन भरेआ।

<><><><><><>

Afghan Pak Strikes

अफगानिस्तान च पकतीका प्रांत च पाकिस्तान दे हवाई हमलें च घट्ट शा घट्ट 10 नागरिक मारे गे न ते इक दर्जन शा मते लोक जखमी होए न। पाकिस्तान नै युद्ध विराम दा उल्लंघन करदे होई एह हमला कीता ऐ। एह युद्ध विराम छड़ा 48 घंटे गै कायम रेहा ते एहदे शा पैहले इक हफ्ता चली दी लड़ाई च सीमा दे दौनें पास्से दर्जनां फौजी ते सिविलियन मारे गे हे। कल रातीं पाकिस्तान नै युद्ध विराम दी खिलाफवर्जी करदे होई तकतीका प्रांत च 3 थाहें पर बम्बबारी कीती। अफगानिस्तान दे इक प्रवक्ता नै दस्सेआ ऐ जे हमले दा परता दित्ता जाग। मरले आहलें च त्रै मुकामी क्रिकेटर बी शामिल न।

<><><><><><>

Gujrat

गांधीनगर च कल्ल होई दी मंत्रिमंडल दी बैठक च मुख्मंत्री भूपेंद्र पटेल दे मंत्रिमंडल दे विस्तार दी घोशणा कीती गेई। सब्बै मंत्री मेद ऐ जे कल्लै तोड़ी अपने-अपने मंत्रालय दा भार संभलड़न। उपमुख्मंत्री हर्ष सागधवी हुंदे कोल गृह ते पुलस हानरिंग मैहकमे बरकरार रौहड़न जदकि कानू देसाई होरें गी खजाना, शैहरी विकास ते मान मैहकमे दित्ते गए न। बीजेपी दे साबका राज्य अध्यक्ष जितेंद्र वाधानी होरें गी राई-बाई, करसानें दे कल्याण, सहकारिता ते मच्छी पालन सरबन्धी मैहकमें दे पदभार सौंपेआ गेआ ऐ।

<><><><><><>

Dhanteras

मुख्म भरै च अज्ज धनत्रोदशी दा ध्यार पारम्परिक श्रद्धा ते उत्साह कन्नै मनाया जा' रदा ऐ जेहदे कन्नै गै देआली ते एहदे कन्नै जुडे दे ध्यारें दा सिलसिला शुरू होई जंदा ऐ जियां जे नर्क चौदशी, छोटी देआली जा काली चौदशी, मुख्म पर्व देआली, गोवर्धन पूजा ते बीर टिक्का। धन त्रोदशी गी धनतेरस ते धनवंत्री जयंती दे रूपै च बी मनाया जंदा ऐ। इस ध्याड़े लोक भगवान धनवंत्री, भगवान कुबेर ते लक्ष्मी माता दी पूजा करदे न। इस ध्याड़े लोक नमी खरीददारी करदे न ते टकोहदा करियै सुन्ने, चांदी दे गैहने लत्ते या भांडे। एहदे अलावा बी लोक अज्ज घरें च इस्तेमाल होने आहले केई किस्में दा समेयान खरीदा करदे न।

<><><><><><>

BSNL-Diwali Plan

भारत संचार निगम लिमिटेड नै देश भरै च नमें उपभोक्ताएं लेई इक रपेआ दिवाली 4-जी प्लैन शुरू कीता ऐ। एह प्लान इस म्हीने दी 15 तरीक थमां अगले म्हीने दी 15 तरीक तगर उपलब्ध रौहगा। इस प्लान च 30 दिन दी मुफ्त मोबाइल सेवा, अललिमिटेड काल्स, 2 जीबी डाटा प्रतिदिन ते 100 एस.एम.एस प्रतिदिन दी सुविधा दित्ती जाग। महाप्रबंधक ए.आर.जे रवि होरें घोशणा कीती जे दिवाली बोनांजा प्लान उपभोक्ताएं गी त्यौहारें दे मौसम थमां आधुनिक स्वदेशी 4 जी नेटवर्क दी सुविधा उपलब्ध कराग।

<><><><><><>

Football

फुटबाल च भारत नै पैहली बारी ए.एफ.सी अंडर-17 महिला एशियन कप गितै क्वालीफाई करी लैता ऐ। भारत नै कल उजबेकिस्तान गी 2-1 कन्नै हराइयै प्रतियोगिता लेई क्वालीफाई कीता जेहड़ी अगले बरे चीन च होनी ऐ। पिछली बारी भारत नै इस प्रतियोगिता च 2005 च हिस्सा लैता हा। इस बरे भारत दी महिला अंडर-17 ने एशियन कप लेई क्वालीफाई कीता ऐ जेहड़ा भारत दे फुटबाल इतिहास च पैहली बारी होआ ऐ।

<><><><><><>